

四庫全書

集部

欽定四庫全書

集部

兩宋名賢小集卷三百三十五

詳校官中書_臣 閔思毅

助教_臣 常循覆勘

總校官編修_臣 王燕緒

校對官待詔_臣 胡士震

謄錄監生_臣 王 官

欽定四庫全書

兩宋名賢小集卷三百三十一

宋 陳思 編

元 陳世隆 補

東齋小集

陳鑒之字剛父初名璟三山人嘉定時游京師與倪
守齋善守齋官新安鑒之偕焉集中喜雨歌玉湖書
院諸詩俱為守齋而作也有東齋小集一卷

送鄭嚴州四首 之悌

諸賢適江海梧竹孤鳳吟願言正王度祈招嗣清音亦
為膠西董反慰及物心未可賦柏舟天眷宗社深

父老迎使君舟楫桐江波那知使君心一片煙雨蓑杖
藜對客星清風雙嗟峨沙鷗公故人應為小婆娑

嚴山少平田嚴俗稀惰民書生坐黃堂肯詫硯刀新定
以清淨化坐嘯物自春綠野人荷鋤使君聊岸巾

善端誰獨無所化有蘭鮑時容拜牀下孺子似可教山

川頓脩阻心折東去棹徘徊隄柳春帆腹風欲飽

遣興

踏遍苔谿石梅花又滿林山川春入望宇宙月知心一
紀別鄉井八年無雁音危巢老松頂日暮有歸禽

會稽秋日觀山

荒塍間流水蠹葉風颼颼前山與幽人亭亭共清秋遠
近日明晦隱見雲去留木末一叟歸犬鳴茅舍幽憶昔
典午東劍佩森名流勝地慰遠懷茲焉久綢繆漁磯與

樵徑今有斯人不池石老苔髮空餘羸蚌游世有古今
異郢歌聊自酬醉眼時摩挲此山即前脩

過吳江

垂虹四年別_來蘇蘇來夢境今晨整芒屨柳風吹鬢影春
光徹重淵蛟困淥波靜遠帆有無處小立為徐領浩歌
翁自得白髮亂垂頸一室世誰如三萬六千頃平生卜
隣意此際味差永翁肯平分與吾其辦漁艇

暮登蓬萊閣

危闌散湮鬱已暮亦登臨鼓角孤城月山川萬古心
鵲栖松霧重鷗卧渚煙深客子終何托婆娑且醉吟

秋晚

瘦盡芙蓉菊又殘客游懷抱更登山秋光老矣歸何處
只在愁人雙鬢間

晚登京口倅廳富覽二首

窮途逢偉觀小閣江萬里薄暮岸幅巾寒煙四山起天
河注平淮斗柄卧蘆葦欲返還少留燈青客船尾

孫劉昔虎視鐵騎如風雷白水列蒼嶂今馬侑子杯功名訖一時空雲暫崔嵬衲子真英雄一龕老巖隈

古詩四首奉寄陳宗之兼簡教臞翁

雌雄鳥一色烈焰玉石分子桑十日雨英概君摩雲塵尾失羈思襟裾蘭茝芬是豈如歷驢書圖同鉏雲

君隱萬人海嘯咏足勝流我墮寂寞濱嵌巖一筇秋蟠鬱向誰吐天圍蘆荻洲劈箭客帆去何日回我舟

甘旨娛母顏雍雍春滿室咿啞索梨棗諸兒事遶膝波

明再茁桐露滌清吟筆人生如此足富貴刀頭蜜

亭亭會山閣四面秋澄鮮盤礴一代英披衣俯飛鳶邇
來幾星聚清尊壓雲煙九轉得青訣分惠母獨仙

西湖晚望

過雨長隄葱翠濕小橋人靜支筇立一縷竿頭顫霜鯽
風動青蒲見蓑笠

京口江閣和友人韻

良辰仍我輩斗酒大江邊小閣納萬里一帆來九天世

塵黃鵠外詩興白鷗前地勝吾衰矣長懷李謫仙

題鄭承事所作蕙蘭三首

蘭如君子蕙如士此評我得之涪翁有餘不足姑勿論
畢竟清幽氣類同

托迹不辭巖谷深異于蕭艾亦何心清風披拂自多事
斜日澹雲香滿林

鄭君欲與蘭寫真心神暗與蘭俱春詩家三昧正如此
境融意會今何人

晚涼湖邊放步

暑氣湖山薄晚風巾袂涼蟬鳴便柳蔭鷺立領荷大舸鼓聲遠小軒茶味長獨游元更好細細踏斜陽

有感

淋雨何人記採桑朱門車馬漲塵黃百年友誼須英概畫虎何妨效季良

月下見桂花欣然會心賦二十八字

萬卉千葩春事足一巖挂自壯秋光清冷風露月侵午

天上人間相對香

同劉叔泰放步湖邊入靈芝寺坐依光良久叔春
誦坡仙好把西湖比西子之句予因賦古風一首

劉郎喚我出勝處意所便輕寒柳挑風濃澹杉檜煙僧
廬自生香步遠古佛前依光偶不局坐數禽聯翩平林
度清磬遙隄簇歸船湖山露真態鷗點溶溶天形容幾
吟筆剛道妝抹妍莫作西子者正如姑射仙相知喜值
予微笑生清漣

探梅

驢蹇颺寒獵帽羣吟肩山聳酒微醺
彎彎竹徑霏霏雪
小小溪橋澹澹雲忽邂逅時真得侶
向空濛處細飄芬
回天力量知誰似笑挽春來首策勲

再到京口

問訊金焦亡恙否雙鰲依舊據寒流
埕邊浪戰嵌巖石
木末雲扶縹緲樓楓葉蓼花新醉雨
山容容鬢兩添秋
海天一鏡舟如豆忘却塵縉季子裘

與客夜飲蠟燭有花客請賦之

圓蒲促坐話情真蠟炬能花似有神畢竟蜂鬚膏馥在
酒邊依舊十分春

蔣實齋出示孟浩然畫像因賦二絕

吟鞭遙指鹿門歸水色山光件件詩縮項鱖魚元自好
當年應悔識王維

誦詩縱不忤龍顏榮貴無過是好官未必一僮隨瘦馬
千年傳得畫圖看

送方粹仲適會稽

正好鑪亭語夜分朔風征帽浙江濱
天低雁帶參差樹山遠舟橫黯澹雲
龜解不妨時換酒鯨吐元自妙為文
千巖萬壑心如水二尺檠邊剩著勲

到三聖廟坐池亭久之記以四十字

倦踏軟塵陌琳宮取次行紅挑窺
潏濫翠柳立虛明眼底得詩料耳
根猶市聲黃冠邀啜茗猶有舊交情

同潘孔時飲惣宜園孔時出寶晉數帖呼道人吹

簫次日有詩子用韻荅之

六橋秋新宜醉吟舉杯共聽巖鶴音危亭三面立老竹
寶晉數帖清人心涼蟬不敢喧夕照洞簫聲繞山腰雲
搖搖歸艇水紋裂山紫天青河漢白想君獨立對空濶
一鷺毛寒藕花月

包家山和潘孔時

危闌納納萬里天此景不作西子妍荒蹊斗折喬木末
小亭碁布層崖巔陽侯作意娛我醉潮頭百尺來樽前

游蜂低迴殢花露一鳥急去拖林煙年來祇可作摘隱
四人聊學商山仙

送陳仁叔之越

生世可無友吾友得仁叔行已嚴尺度色夷氣清穆蠅
頭觀世態塵尾露心曲大江渺愁人風欲飽帆腹重陽
兩日是不共一杯菊吾儕跡浮萍同是客京轂作計俱
出此正爾未免俗倘有廩可指一笑如魯肅寒窓共短
檠何用戒征軸所以窮杜陵恨欠突兀屋波寒淨沙石

露重老林木莫言衣帶水後會殊未卜越山君舊游我亦曾寄目邇來平安否細與問脩竹

寄題長溪楊恥齋梅樓樓乃其先世讀書之所

乃翁愛書書滿樓萬軸插架堪汗牛乃翁愛梅梅遶樓
千年老幹如蒼蚪梅護羣書俗塵絕書對梅梢滋味
別有時掩卷靜倚闌簷角一枝擎澹月雁行編簡相從久
筆硯收功竟無負

後登進士
第右科

兒孫登樓凜生敬謂此梅

花乃先友一新丹雘煥枌拱黃卷依然對姬孔汲泉不

是灌梅花培養君家讀書種袍香青紫雲路同盛事
何翅繼乃翁後來應有跨竈者百花頭上文正公吾知
乃翁好梅意不獨區區為名第霜飈天地慘無色誰得
東皇第一義惟梅氣稟獨超卓首送春風入書幄對之
心地悟理學此是天民尹先覺

春晚野步

容易老春工扶藜趁好風蛙跳蒲細細燕沒絮濛濛沽酒
爾可醉有懷誰與同長松古鬚鬣無語對繁紅

客新安賦喜雨歌呈守齋倪使君

良田正要雨肥綠火傘張空驅日轂枝頭忽作少女風
轉眼排檐萬銀竹為新安民殊可憐插空亂巘無多田
雨纔終日水半壁方晴又望霓橫天是邦若要宜稼穡
好似嬰兒調乳食祇今田甫渴甘澍賢侯憂民見顏色
鼓聲坎坎神來臨不歆牲酒歆侯心
土神汪王甚靈睡使君禱之即雨
龍蘇醒聽約束拏攫雲霧層厓陰澗泉將涸兮亂流嘉
穎欲搞兮光浮田翁戴笠兒跨牛欣欣相對歌賢侯爭

言一雨神所賜非侯何以蒙神休天惠賢侯福吾土長
是五日一風兮十日一雨

守齋和張倅古巖詩予用韻賦三絕呈守齋

天然石屋兩三僧趺坐寒雲几上生想見瓦鑪煙斷處
一玉經對萬松清

貳車林下喜逢僧眼底千峯逸興生五馬未游心已到
吟牋零亂岫雲清

澹泊賢侯似衲僧功深心地棗梨生畫堂歌舞聊娛客

客退依然禪榻清

題問政山

予方外兄德誨為新安太守于郡之東山築屋以居
方外號為問政山房

憑軾邦君侈盡熊却來問政翠厓翁祇應兄念真元子
不是堂無齊蓋公千載掾華垂盛事兩叢慈竹亦清風
跨鸞時過宣平老明月簫聲在半空

守齋示予游問政山和陳廣文詩予用韻呈守齋

小隊名山訪古歸
雪雲石解聽招麾
瓊瑤千嶂插空濶
珠壁一詩爭崛竒
興逸聊茲游赤石
民安何待化潢池
妓圍如畫心如水
鬢髮從渠映玉碑

夏夜

鵲影翻高樹
螢光出淺莎
牆低天宇濶
樓小月明清
吹徐徐至微
雲緩緩過
欲談無與共
默坐養天和

題陳景說詩藁後

今人宗晚唐
琢句亦清好
碧海掣長鯨
君慕杜陵老

月明孤嶼雲一鶴唳清夜和之以君詩竹牖寒燈下
倚馬揮萬言跨驢哦一字遲速不須論紉雲看奇思

和守齋戶部家居書懷

抽身龍尾外一壑本來心書卷竹陰潤筆牀花氣侵耿
光增魏笏雅趣寓陶琴隱几時搜句忘言兀似瘖

同倪元公善之納涼壽芳

沿堦草軟翠流長境靜蒲荷覺更香清坐小亭叢竹近
暫停團扇受風涼

和友人題唐明皇楊太真對奕圖

風流陣退却圍碁心醉妖妍落子遲還記行兵南詔否
輸贏應不到雙眉

京口甘露寺登眺

吹帽海風鴉背起馮夷知我酒微醺樓臺氣壓金焦浪
鐘鼓聲飛淮浙雲戈甲虎爭餘塊石榛蕪鼙嘯幾斜曛
山僧不管興亡事清坐閒披貝葉文

陪守齋至玉湖書院作

天垂大溪碧近樹齊遠山水氣涵野色縹緲亭數間維
昔文節公孤標凜羣姦飄然兩屐齒雲岩遍躋攀此地
足佳致差不遠市闌壽峯

文節次子

顧而喜築屋娛親顏吳

興富臺樹往往攜歌鬟公獨抱書來小舟破潺湲花澹

水紋麗鳥啼人意閒讀易發妙蘊不惟評馬班

公有易訓馬班

異辭著述五百卷星芒照人寰天街幾繡鞍蹀躞趨豹關

河來砥柱立一老菰蒲灣守齋

文節第四子今右曹郎中

領客游秋

風韻枯管我誦壁間文徙倚蘚石斑德人不可見月白

漁舟還

題嚴子陵釣臺

渭濱一叟髮垂素西伯與之無雅故幡然為捨釣魚竿
八極風雲生指顧先生少與文叔游眼看日角與炎劉
胡為掉頭不肯住垂綸依舊披羊裘周文虛已師賢哲
光武規模欠宏濶三公清坐臺閣尊先生回首桐江月
桐江月色無古今白波蒼嶂幽人心

題村學圖

田父龍鍾雪色髯送兒來學尚腰鎌先生莫厭村醪薄
醴酒雖醲有楚鉗

畢履和惠端硯余以大歛硯報之佐以一詩

履和惠端硯玉質馬肝色我有大硯卧蠶紋元是新安
龍尾石持以答佳貺聊爾見此心極知不是雙南金未
足報君綠綺琴我得履和硯清潤如履和天然粹德非
琢磨秋江印月平不波

匣上有秋月
澄輝四字

君得剛甫硯扑鈍

若剛甫不能輕捷隨人後默默寒窓守愚魯端硯入手

喜有餘展開古帖聊學書大硯知君不負渠墨池飛出

北溟魚

畢善作
大字

兩宋名賢小集卷三百三十一

欽定四庫全書

兩宋名賢小集卷三百三十二

宋 陳思 編

元 陳世隆 補

適安藏拙餘藁一

武衍字朝宗汴人工詩名著寶慶間方萬里稱其詩情致疊疊多有可筆于丹青者所居有亭池竹木之勝命曰適安即以自號有藏拙餘藁二卷

昔徐孝穆以魏收之文沈于江曰吾與魏公藏拙
衍學詩三十年投質于宗工名勝者甚多藏拙之
餘僅存此藁故云淳祐改元立冬日衍書

秋夕過松陵

月冷江空夜氣濃桂香飛下廣庭風不知何處神仙過
鶴唳數聲煙靄中

鶯

柳外飛來恰弄聲瞥然流去一梭輕分明啼斷春愁處

風不驚花午院情

宮詞補遺

梨花風動玉蘭香
春色沈沈鎖建章
惟有落紅官不禁
儘教飛舞出宮牆

牡丹春蘂正穠華
有旨今年不賞花
剪落金盤三百朶
內批分賜近臣家

采桑曲

粉光薄薄髻雲垂
月滿湘籠獨步時
女伴未來歸未得

水邊閒照插花枝

道是蠶忙未是忙日長猶得事梳粧
羅敷有語何曾解倚樹偷窺馬上郎

虛星壇月下聞笙

何人吹動玉笙攢天濶風高挂殿寒
聲軋五雲飛不去夜深和鶴落瑤壇

宮思

當時十五正嬌妍選入宮中二十年
誰料祇今三十五

舞鞵未蹋玉階前

書畫扇

雙成午夜約飛瓊齊駕紅鸞看月明縹緲碧雲歸去曉
洞天霜冷玉簫清

贈苔上隱者

夾溪槐柳綠雲堆轍蹟何嘗到碧苔不種桃花綠底事
恐因流水悞人來

開元廣寒詞

桂華珠殿水晶樓
拓袖籠香一夜游
飛下銀橋人不覺
月明三十六宮秋

客去

晉人冠子羽人衣
客去移牀傍小池
扇影不搖蘄竹淨
藕花風裏看唐詩

游吳門同樂園芥池光亭壁呈使君張都承

一城和氣萬花春
金碧樓臺處處新
太守不孤同樂意
木蘭堂上看游人

春日舟中書所見

翠峯斜倚側金翹
羅帶紫紅眉碧桃
應是春愁禁不得
東風深院粉牆高

花外飛來夾膩香
片雲誰遣下巫陽
不須回首頻相顧
彼此傷春易斷腸

明妃曲

中國無人北使輕
六宮揮淚別傾城
當時誰議誅延壽
益重君王好色名

金
卷三百三十二
馬上風沙亂鬢蟬
羣鄉同地不同天
琵琶何用彈聲怨
出降烏孫更可憐

聞角呈宗諭方蕙岩

曉角吹愁客夢寒
一聲聲落曲屏間
吳兒可殺無風味
老却梅花祇當閒

韓幹照夜白

八尺歸龍雪到蹄
阿瞞騎罷阿環騎
絕憐千古房星魄
不見明時見昔時

振金歌玉出天閑幾向驪宮驟月還脫使幹生天寶後
畫圖那得到人間

柳枝詞

靈和殿裏最風流三月飛花雪御樓換得玉人眉樣巧
一春渾不下簾鉤

秋夕清汎

弄月吹簫過石湖冷香揉蕩碧芙蓉貪尋舊日鷗邊宿
露濕船頭數軸書

老將

幾回夢裏到邊陲
馬上猶能磨戰旗
彈淚對人偏愛說
建炎隨駕渡江時

春日湖上

苑外垂楊開四朝
東風依舊綠條條
當年盛事人猶說
二殿龍舟泊畫橋

折桐花上雨初乾
寒食游人盡出關
一片湖邊春富貴
斷橋船簇夕陽間

飛鷁鳴鑼鼓吹喧繁華應勝渡江前吟梅處士今還在
肯住孤山爾許年

船裏歌聲去復還游人樂在酒杯間爭如策蹇長隄上
細看南山與北山

宜永觀雨

池上泠泠過雨聲綠荷風走萬珠明天公未欲從羣望
作了晚涼俄便晴

長橋夕月

卷來滄海黃銀浪飛出層雲白玉團千古垂虹竒絕處
獨凭三百赤闌干

雙鷺

誰驚雙鷺起蘋汀
楚裂玻璃細有聲
飛入白雲渾不辨
碧山橫處忽分明

重訪西湖舊游

西風吹晚鳳城開
桂子香中信馬來
十載不行湖上路
知它添了幾樓臺

榴花

威威生紅露滴珠薰風涼幌曉粧初折來戴朶頻拈看
應訝羅裙色不如

燕子

燕子攬風入畫楹不知人傍綠窓行香泥驚落忽飛去
却向桐華頂上鳴

老宮人

寶髻無光玉貌昏悲歌空感舊承恩君王喜問先朝事

時許車兒到殿門

侍輦觀花上苑春
太皇宣索鳳笙頻
如今猶記當時曲
對譜閒教小內人

湖亭席上贈商素

一曲春風已擅場
淺顰低嚬更傳觴
令人憶殺香山老
舊日玲瓏也姓商

貴游

鈿車轆轤輾芳塵
障步香移一片春
花下玉盤行禁脔

御前宣勸到湖濱

次平山景

一縷殘煙暝不收
作成谿上十分秋
空林落日西風急
紅葉無詩水自流

尋昔游

碧水青山舊路迷
劉郎惆悵阮郎悲
仙桃一別人間去
洞裏春風自四時

七夕

金鍼插並玉搔頭月落河傾尚倚樓
細認雙星還自感
別離同是一般愁

雁奴

斷沙殘汐封田枯寂歷寒烟
卧雁奴飛起不知何處落
數聲鶯忽隔黃蘆

阮客

粉靨嬌春掌上輕玉琴聲裏見深情
花邊臨別重回首
猶恐絲絃說未明

書吳江塔院水月

疊疊滄波隔亂山白鷗飛去復飛還吟邊好思無多子
祇在孤舟落照間

九日

倒盡鴟夷酒更沽西風吹興滿江湖客中賸喜身強健
歲歲秋香看紫萸

寄社友

秉燭西園事已非更堪中酒落花時隔簾燕子偏饒舌

不管春愁倦作詩

立春

蓂滴辛盤色鬪鮮已將春到酒尊前
金幡不用吳娃祝自唱新詞插鬢邊

孤山訪梅不遇簡知己

結客尋春過舊隄雪香雲冷鎖雙扉
隔牆應是梅花笑敝却貂裘尚未歸

雪中登垂虹亭

投簪江邊雪滿頭
玉虹千尺要詩酬
詩成上馬誰同說
說似亭前兩白鷗

兩宋名賢小集卷三百三十二

欽定四庫全書

兩宋名賢小集卷三百三十三

宋 陳思 編

元 陳世隆 補

適安藏拙餘藁二

霜梧

棲鳳枝頭數葉輕
井邊籬落正關情
晚來縱有西風過
一片秋聲作不成

湖邊

日日湖邊上小車要尋紅紫醉年華東風合與春紛理
忍把輕寒瘦杏花

示施師

不拘早晚過長橋要泊橋邊踏巨鼇無月色時方得睡
有梅花處必停篙不逢水活魚休買纔見溪清米便淘
到得旗亭須報我落帆相與醉村醪

立秋夕

水花香弄晚風清
間立梧桐看月生
夜漏向深秋始覺
一天星濕露華明

新雁

塞月程程遠
星河字字疎
不眠沙外水
恐濕足間書
倦
駟支風去悲聲落
枕初秋清人易感
政自不關渠

春曉山行馬上口占

山深竹暗曉風輕
幾樣幽禽錯雜鳴
駐馬細聽渾不識
就中惟識秣歸聲

路轉前山復後山宿煙收盡薄生寒吟鞭忽指松梢月
絕勝城中樓上看

陽復

一變陽爻七月初窓間測影弄徐徐不知曾未添宮線
但覺多翻數葉書

劉八窓見訪一夕即別

五年苔上別別後愧相疎今夕知何夕憶渠俄見渠同
持一杯酒勝寄百封書未及論心事曉風回蹇驢

悼戴式之

四海詩人說石屏一時知己盡公卿家傳衣鉢生無愧氣
挾江湖老更清重感慨時多比興最瑰奇處是歌行
九原不作空遺藁三些吟魂淚為傾

嘗蒲萄

壓架駢枝露顆圓水精落落照晴軒微酸自是江南種
尚忍因渠說太原

睡覺

睡覺東風忽惘然起翻雲母續爐烟半醒不醉宿醒思
欲雨又晴寒食天春草池塘詩夢裏梨花庭院酒尊前
誰憐倦客長安市節物驚心憶舊年

晴絲

何處飛來繫碧空敲吟終日費形容搏桑老繭抽纖緯
星殿殘機剪細茸驀忽帶歸簾外燕等閒惹住柳邊蜂
風柔日薄樓臺晚一縷低垂力正慵

謝曹東圃跋吟卷

十年湖海仰師儒，八斗衣傳子建餘。
袖裏有詩須印證，句中無眼定趑趄。
吹香玉唾清如許，刮膜金篦病已餘。
媪扇何曾求貴重，等閒中得會稽書。

楓橋道中

路接官河柳行斜，蹇驢衝暑憩田家。
雨餘天迴雲生葉，日午風輕稻放花。
襪已縣黃犢，睡拈棹不動綠陰遮。
老翁相見如相識，命坐蓁牀自折瓜。

郊居紀實

既安能適復何疑
小築重營即舊規
狡兔反為三窟累
鷓鴣終逐一枝期
種成水際芙蓉徑
鑿得亭前菡萏池
客有可人尊有酒
四時風月總相宜

送外家通倅方澹菴

風節傳清素
名多為宦遊
花封纔解綬
芝檢趣監州
等上持麾節
歸來覲冕旒
江南與江北
底用說離愁

松陵晚泊

潏潏風濤外
天隨底處尋
碧雲千嶂暝
紅樹九秋深
故

國荒城夢空江倦客心行藏那無計蓬月闌孤斟

小游仙詞

天風吹上碧嶙峋鸞鶴聲清草木薰金闕玉樓行欲遍
却攜明月出紅雲

寄湯伯起

徙家城市去不為故人留種菊應無地觀山合起樓別
來通訊少春酒作詩不池上雙檉綠孤吟我正愁

次韻答菊莊湯伯起

數弓疏地一方池
吾愛吾廬祇自知
蘆碧補交楊柳缺
桤紅攬上藕花遲
翠陰圍合疑無日
涼意蕭騷賸有詩
君欲重來須更待
嫩煙浮動晚晴時

別燕

寶墨烟雲邈金風
庭戶秋有誰堪作
伴無計若為留
謹勿沾鯨浪應須
避蜃樓裁詩聊寄
遠煩慰玉人愁

西陵觀梅

障霜筭日奪天機
九月梅花賞玉蕤
到了不知春意勝

水邊風韻兩三枝

山院

小院清聲動碧梧
颯然涼思滿簾櫳
年來懶結青鐙伴
却課兒曹讀夜書

夏日書事

緩將琴軫卷將書
誰信閒中事有餘
約客論茶和水試
課童移菊帶泥鉏
竹櫳日午猶闌鶴
水檻朝來自餒魚
山薊已苗瓜已蔓
適安生計未全疎

訪隱者居

薜蘿披蘿入茅堂著竹遮綠看流去水紅惜落殘花蜀
鳥啼春靜山童厭客譁細觀題壁者一一是誰家

宮中詞

睡餘羅袖印眉山行傍粧臺理墜鬟聖主憂勤排當少
犀椎魚撥總成閒

邊烽既息穡事告登歌以五十六字同和擊壤

見說邊頭事已寧捷書復得壽春城從來方面多豪傑

均與朝廷擊重輕棗寔雖紅休北顧稻花垂白近西成
民無飢色添歡色氣象方纔似太平

京口策應戍將歸營

老矣猶征調新從淮上歸盡知邊境事曾解壽春圍腥
血封刀匣黃沙漬鐵衣奏功均得賞沽酒醉斜暉

枕邊

枕邊清坐散餘醒慘淡西窓月半明燕子夢回簾未捲
棟花風信曉寒輕

癖

賸欲收神省費心三生癡癖本來深典衣尋訪晉朝畫
折簡借觀雷氏琴帖字逼真嘗細搨詩聯敲穩每長吟
鏡中一笑成何事鬢影秋絲日見侵

清明湖上

榆火初傳禁漏殘滿城和氣在湖山接天楊柳風煙裏
照水桃花圖畫間舊路人穿新路去長橋船出斷橋還
吾皇應喜民胥樂歲許西門入夜關

宿呂城舟中

古堞遺蹤何處尋
斷煙殘日意沈沈
飛湍過閘風雷怒
峭岸如山草木深
燈火鄰船喧客枕
江天漂梗碎鄉心
明朝沽酒新豐市
惆悵無人伴苦吟

送客之潤赴時貴約

折柳亭邊來問津
江山先入夢來頻
漕渠水足新逢雨
客路風光恰是春
莫論孫劉悲既往
願言賓主樂相新
曾留短絕題多景
君到應須為拂塵

送徐雲友歸行都

落落奇男子長言走客塵
白身無寸祿青眼欠高人
病為思詩苦貧緣立行真
片雲留不住歸醉洛陽春

伯氏自吳門來輦下再宿即別

把酒論新事移牀問故山
桑麻云已長親戚喜相安
斷雁江湖外馳心夢寐間
兩年三度別此別覺尤難

劉後村被召

銜上官雖顯吟邊興不衰
細評南嶽稿遠過後山詩才

大人多忌名高上素知
辨香吾敢後幸見召還時

送友人赴長沙酒官

老楓殘月曉江濱
送客歸來又送君
愁滴離聲三疊淚
眼穿行色萬重雲
過湘應取離騷讀
別邑終期課最聞
莫為西班牙羞薄
宦要思先世立殊勲

杏花

柳店春風酒旆斜
紫綃團萼數枝花
香肌元自多豐膩
錯把梅花看作他

北固亭口占

以下四首寓京口作答湯菊莊兼簡分司鄭料院

三生結得潤人緣
卮酒時來煖客羶
北固兒童雖不識
也緣巾履過山前

鷓鴣山

屹然孤立蘚痕青
千古江湍洗不平
蒼鷓飛來復飛去
不知身為此山名

甘露寺狼石

二雄曾向此盤桓
鼎立功名各未安
留得坐時頑石在

至今人尚說曹瞞

月觀遠眺

朝宗亭下浪冥冥何日尋觀瘞鶴銘更欲裹茶邀客去
短篷敲火淪中泠

歲在丁亥郊裡禮成上登門賜赦獲睹盛典恭成
口號

閭闔煌煌闢曉雲千官鵠立望嚴宸鶴書飛下珠簷峻
雉扇分開玉座新山壽聲中團喜氣鈞天奏處隔香塵

明王盛事民何幸三載恩寬四海春

正元二日與菊莊湯伯起歸隱陳鴻甫泛舟湖上

二首

春雲漠漠雨疎疎小艇衝烟入畫圖
除却淡妝濃抹句更將何語說西湖

擢轉逋山艤落暉春風深鎖恨依依
松間一鶴俄飛起疑是先生出未歸

送蕙坡趙富陽赴高郵元幕見次

相逢客裏便相歡握手真能出肺肝
買得酒尊曾共酌帶來詩卷每容看
舊聞遊宦多知己今喜公朝與好官
一片淮雲千里月覲圭何日入長安

蘆筍

春風荻渚暗潮平紫綠尖新嫩茁生
帶水掐來隨手脆擢船歸去滿篝輕
竹根稚子難專美澗底香芹可配羹
風味祇應漁舍占玉盤空厭五侯鯖

湖亭席上

寒食梨花月新晴楊柳風愁融山色裏興極酒杯中綠
髮日夜變青春今古同忍教行樂處容易夕陽紅

哀魏方泉

每見中吳士多稱太守賢一毫無暴政千里樂豐年心
醉西樓月身飛北闕天那知人事異夢絕柳橋邊

詔下催歸覲人傳便尹京班纔聯從橐庭忽舞銘旌玉
樹悲中折金丹救莫生澤多唯乳子天道若無情

寄吳德章簽判

莫轉朱弦軫知音世不慳吟情清似水壯志屹于山自
入鄉關去相思雲樹間春風吹五葉早趁集英班

書所懷

閒拂塵中鏡猶憐壁上梭生平多坎壈知己半銷磨對
酒成孤酌橫琴寓九歌相思江水濶歲晚客如何

兩宋名賢小集卷三百三十三

欽定四庫全書

兩宋名賢小集卷三百三十四

宋 陳思編

元 陳世隆補

北窓詩藁

余觀復字中行盱江人有北窓詩藁

讀柴桑集

游心太古初得向萬物表平生一罇酒寂寞三徑小有

琴不張絃正以知音少伊予挹殘芳道心炯相照北窓
清夢長山間自啼鳥吾欲問先生天濶白雲香

咏懷

山容洗眼青江光照肌白翻枝鵲查查抱葉蟬嘖嘖兼
葭搖風聲梧桐淡秋色草木了無能陰陽互相激人于
大化中真成逆旅客藏舟夜半移不假資育力塵網罩
入絃貪夫受羅織蹇予丘壑娑一室頗安適荒尋縱奇
懷清詭弔塵迹風搖泛海槎雨澀登山屐世遠事荒唐

文高興寥閔渺渺孤征鴻一舉振六翮此意人莫知獨
宿巖扉寂

寄伯成

昔別青梅酸今來黃葉墮葉墮卻歸根窓隙見駒過大
巧亦自然小智空瑣瑣一言取封侯千金賈竒禍達人
知倚伏去就無不可天公亦何為妙用正在我

風雅不可復趨巧世代然君看黃初語已減河梁篇神
思透溟滓至寶辭雕鐫儻欲剝著語不如寂無言

梅花引

藉銀雲鋤壁月裁得寒花寄愁絕陽和一點來天根春
滿江南誰漏泄珊瑚作樹玉為膚沈水薰香檀吐屑野
橋橫寒澗潔斜梢舞破屋角煙老樹壓殘墻角雪風
流不肯王謝儔孤高尚笑夸齊劣蕭然與俗最無緣此話
難明向誰說絕愛西湖君暗香浮動月黃昏亦愛東坡
老竹外一枝斜更好二仙去矣花寂寥著語壓花花不
倒誰能淡筆傳其真誰能楚語招其魂參橫月落興未

了三叫花神聞不聞花影搖搖情默默冷透吟脾醒醉
魄問渠桃李豈知春西抹東塗受春役自然香無色色
譙樓角動霜初飛蕭寺鐘鳴天欲白披衣遶徧樹頭行
判斷人間風月國

梅花

羣卉皆興隸孤標真聖賢乾坤清不徹風月興無邊生
意春常在貞心晚更堅騷經雖不載已入二南篇

山居即事

密竹環茅舍應無俗士過睡濃嫌日出坐久厭塵多鬪
雀翻危葉飢鵝啞短莎世塗真九曲奔走欲如何

梅花

自是孤芳集大成紅紅白白漫爭名天邊差有雪堪亞
世上更無花敢清筆到華光空幻相句如和靖藹遺聲
一枝勾引窓前月冷淡相看太古情

次韻春日

日淡風輕養物華老天將此付詩家人情巧似營巢燕

春意忙于赴壑蛇寂寞蘭亭空有感淒涼金谷竟誰
誇絕憐狂甚樊川社枉殺吟情豆蔻花

次韻

稻簇殷紅竹迸青風驚簷瓦一時明晚來幽趣無人解
流水聲中看月行

步遶

步遶蒼苔自咏詩吟情惟有澗泉知山猿忽地來偷果
攀斷庭前烏柏枝

木犀

盤盤老桂樹金屑黃
鬕鬆孕此無盡香
襲襲乘西風幽人為延佇
古意滋無窮王孫招不來
西郊草蒙茸欲以遺遠者
道阻嗟難從愛之不忍替
檻之寄房櫳夢魂恍而清
夜半超鴻濛常恐芳氣歇
我恨何時終

兩宋名賢小集卷三百三十四

欽定四庫全書

兩宋名賢小集卷三百三十五

宋 陳思 編

元 陳世隆 補

癖齋小集

杜旃字仲高金華人仁翁汝霖之孫陵之子兄伯高
旃弟叔高旂季高旒幼高旒皆有詩聲時稱金華五
高旃有杜詩發微傳于世

白雲在南山

白雲在南山幽鳥乘風飛鳥飛不能遠雲高還難依園
中亦有菊堂後那無萱游子不得歸銜悲欲何言

綠珠行

蜀絲殷空金作谷珊瑚成林珠百斛彼妹千花萬花簇明
月出胎照波綠鏡中飛鸞掌中身夜月春風看不足
悲歡倚伏為禍福西里憐顰東市戮願將舊意奉新人
此別他生定難卜君因妾死莫多怨妾死君前君眼見

高樓直下如海深壁玉一碎沙中沈平時感君愛妾貌
今日令君知妾心

同平父園中即事

季冬少寒凜霜薄日色明訪我會心友相攜園中行菜
甲長疎花梅枝綴初英潛魚戲晴波寒雀暖有聲小步
極遐覽閒吟暢幽情語言接繾綣意適體自輕歲華晚
更好景趣靜始并俯仰物態閒聊與同春榮

明鏡行

明鏡照形不照影明月照影不照心朱絲委地流水咽
寶劍挂壁蛟龍吟二桃畫謀恩義絕慘慘嚴霜飛六月
銜石海可填鍊石天可補君非食蓮葯安知此心苦

上徐子宜侍郎二絕

當年金屋誤承恩自倚容華託至尊風外游絲難繫日
依然青艸暗長門

猿臂將軍戰不休當時部曲亦封侯夜涼忽夢燕山月
猶幸君恩晚見收

九日懷陳舍人

白髮江湖暗青燈几席涼窮途幾半百佳節又重陽命
也吾何奈天乎孰可量元龍樓百尺猶足慰行藏

蔗境菴二絕

世事多端好備嘗未能悅口勿輕忘結交莫厭初年澹
晚節相看味始長

美惡初終自不同新人那念舊人容君知食蔗逢佳境
不念人間有非葑

別江陰宰魏元長兼望木叔使君

荆山抱璞自遭毀漠漠塵沙埋皓齒咸韶正音或出農
下桐千年憤鐵一日變化成蛟龍人生相歡貴知己心不
相知異生死豈不見豫讓不報中行氏又不見聶政
殺身酬仲子

滄海終可填太行竟能移丈夫殺身為感激有恩不報
非男兒意氣磨日月感遇由一時齊威九合諸侯盟黃
河倒流五岳傾楚茅入貢民冠帶金繩玉檢思告成高

臺已荒曲池既平不見夷吾功但聞鮑叔名

賦賢已錄

靜觀趙史君喜恭
有是錄約予賦詩

物理因人創神機自古傳揚雄嗟有法孔子嘆猶賢勝
負存虛實初終謹後先按圖嚴畫井起數象周天百戰
期爭道三隅察守邊開基思漢祖復土想周宣審勢攻
無備沈機救未然勝心游碧落幽思及黃泉冒利魚貪
餌乘虛雁避弦紛爭忘父子迷惑到神仙守必防重折攻
須出萬全妄興侵伐意私擅殺生權給弄心懷詐包藏

智益玄甘辭韜甲冑險志匿山川諱忌真情露矜誇小
數專怯圍潛却步貪得暗垂涎見逼難思進相持莫敢
前蹈危鬚捋虎役志耳鳴蟬意滿渾忘食神馳更廢眠
弱形遭毒手短節不空拳悔誤徒批頰矜高欲比肩禍
胎還隱伏陣勢漫綿延詭道非存正羸師合忌堅設心
踰虺蜴攫子甚烏鳶造妙羣心妬趨亡衆目憐淺謀徒
躁進重地莫輕捐黑白材因見雌黃論豈偏高人真託
興遠見始忘筌鑒戒無忘此防虞蓋有焉請看奕梟句

何愧鬪雞篇

山有狙行

山有狙不可馴山有虎不可親狙詐匪懷德虎飢須噬人
死生託良馬信厚稱瑞麟野性定難保猛獸終不仁

王粲宅

春風佳人命多薄深宮井冷梧桐落江邊百尺斷魂樓
未比鷓鴣一枝託漢家待士禮意失黨獄淪胥生鼎鑊
南山豆萁苦燒焚鸚鵡洲邊埋一鴉丈夫擇木豈無術

何爾依劉燕巢幕君不見平時子房侍帷幄一語不投
斃文若登樓此日誠可哀亦恐從軍未為樂

書懷呈鍾君祿吏部

君不見黃河之水能上天白髮一變無由玄人生住世
無百年倏忽變化空中煙眼前富貴皆年少悲苦長多
少歡笑抽絃促柱向君彈宛轉淒涼不成調

持心託明月明月照影不照心彈劍發長歌歌長宛轉
多苦音瀉水東西南北流昔日年少今白頭欲對君前

歌此曲恐君淚下不能收

勿除蔓行

蔓草君勿除葉蒂相連牽春風共滋長秋露同衰殘庭
前梅花樹一種同根生南枝暖北枝寒

讀杜詩斐然有作

王澤久淪洽正聲皆雅言百川忽西流青黃雜犧樽騷
經吹死灰明燭日月昏綺麗兆建安淳古還開元夫子
握元氣大音發胚渾明婁失毫芒神義臨乾坤再變六

義彰一日五典惇上該周南風下返湘水魂仲尼不容
刪餘子何足吞五季兵戈繁嘲啗蟲鳥喧頽波既瀾漫
新奇尚西崑吟咏生譏評神鬼懷憤冤王蘇發醢甕黃
陳窮河源煌煌百年間後學同推尊時時或嘗鼎往往
猶戴盆傲摹惑銅盤箋擇訛金根顧余小子旃獨受柱
極恩神融淚交墮思苦心屢捫相望五百載如接顏色
溫爐冶無停工况復忝諸孫斯文誠儻存庶以起九原


紙被一首

疎布裹敗綿破碎錯經緯嚴風過強弩終夜縮如蜩刺
溪褚夫子益友吾所畏策勲在覆冒周密罕儔彙隱然
萬里城可却戎馬氣脉髓益春溫濁酒有醲味直躬免
拳跼夜氣益洪毅吳宮鳳花錦伐命可齷齪物微用匪
薄道在窮不諱緼袍可終身孤貉不足貴

陸務觀赴召

四海文章陸放翁百年漁釣兩龜蒙數開天地吾何與
老作春秋道未窮李耳守官逾二代張蒼職史到三公

坐令嘉泰追周漢此是君王第一功



兩宋名賢小集卷三百三十五

欽定四庫全書

集部

兩宋名賢小集卷三百

三六至
四十二

詳校官中書臣閔思毅

助教臣常循覆勘

總校官編修臣王燕緒

校對官編修臣王天祿

謄錄監生臣王光遠

欽定四庫全書

兩宋名賢小集卷三百三十六

宋 陳 思 編

元 陳世隆 補

皇 琴 曲

鄧林字楚材一字性之自號四清社友福清人年十五即以詩義魁鄉校淳熙中登進士一時名公卿如周益公陳止齋晦翁朱子呂東萊俱引為交游嘗伏

闕三上書陳時事得失朝議欲授以中都幹官或曰
鄧林若在中都此謗議之府也遂授石城丞其詩有
皇芻曲一卷

南國有佳人

南國有佳人仙姿自蓬島龍綃照明璫鳳釵橫貴寶新
粧試鸞鏡皎皎顏色好芳年倏已笄君子可偕老奈何
行媒弱修言棄中道洞房閨惆悵琦瑣結組縞寧作鍾
離春勿學姑瑤草

劉院

鹿車小宇宙據鞍常醉眠風塵瀕洞時杯裏全其天伶
達故自佳籍放乃無用試看勸進表何似酒德頌

東山彭澤

乞靈風鶴屐折齒壁後冥人汗如洗樵漁雜沓坐林間
蜉蝣塵埃不可攀石頭擾擾柴桑間

任彥升

鈴懸四角五采旗分明天產真英奇阿堆文章妙一時

士林往往推元龜楊梅蜜領仁且慈桃米麥飯清堪師
何愁不得中書為半生紆意梅蟲兒

陶通明

眉疎目朗姿圓通詩書萬卷羅心胃華陽三茅仙洞中
鳳笙隱隱和松風薪林園識呈梁公朱砂曾青霜雪容
服之身體飄輕鴻積金澗泉東復東山中宰相那無功
昭陽竟作單于宮

綠珠詞

涼臺瀟灑臨清波，幄翠簾珠明綺羅。
衣絲豪竹按清歌，紅潮素臉春風和。
至君歡娛美人醉，報有無情使車至。
幾鼓蘭麝俱委塵，獨指綠珠可當意。
衆中偏是承恩深，妾身雖賤無二心。
君前判命效一死，玉篴收聲紅日沈。
輕裙飄向攔干角，花鈿散地金釵落。
到頭不負齊奴約，猶勝識字空投閣。

玉兒

金蓮花上俞君子，永壽神仙羅繡綺。
苑中荊荻市令嚴，

玉像支離瓦官寺六宮鴨薊起淫風大白便應懸姐已
此身肯許兒鑿夫猛為東昏判一死到今羞殺賣降人
去作練兒梁姓臣

爰繭吟

有繭大如爰其來自扶桑繅成白雪絲一縷萬丈長染
成備五色妙織雲錦章花文雜經緯紈素無晶光綳纈
時所愛輕練貴侯王緇衣不可作此物間篚箱衮職豈
無闕終當補虞裳

結友四清

飄風吹游塵古道少人行
涇水化為泥滄江汙我纓
嗟余拙工巧世外陶閒情
衆芳怨蕪穢不忍施某盈
庾嶺姿皚皚渭川色青青
三閭播秋思九韶鏗樂聲
蕭然庭宇中對之成五清
滔滔揚波者劍首一吹輕
靈修倘見知冰霜瞻姱名

次韻陳鈞甫郊行

黃塵敗素意出門愜郊行
野菊含冷燄巖松起寒聲
高

山唐業崇流水晉時清
捨薪歸底用石鼎待彌明

關山月

關山夜月明

王褒

分彩照戎兵

江總

將軍擁節起

古樂府

長戍

受降城

江總

焚烽望別壘

陸瓊

欲驗盈虛駛

張正見

塞笳將夜鵲

阮卓

戰氣

今如此

徐陵

重關掩暮烟

賀力牧

雲陣上祁連

徐陵

思婦高樓上

徐陵

遙心

萬里懸

賀力牧

孤山訪鄭渭濱不值

寂寞石琴臺香雲撥不開多知騎鶴出自欲買舟來葑
岸春回草山亭雨謝梅懷人成悵惘日暮惜空回

書懷

西風吹羽扇吾道竟淒涼上坂勞騏驥低巢窘鳳皇
可求非富貴無用是文章冉冉深林底幽蘭正自香

真陽峽

滿眼皆吟料歸囊未盡空江波連岸碧野火張天紅高

樹留寒日長蘆轉晚風客心維小艇心已故山中

凌江灘

灘高舟去緩間眺莫江濱竹本沙痕舊茅葦燒色新青
裙瓶汲澗白帽斧尋新渺渺蠻煙起秋風一旅人

近況

近況只如此深山無見聞二申猶學道三上漫攻文芸
葉春繡日梨花曉夢雲添香仍煮茗嚴敬事天君

早過劉功父清溪

月裏山河大風前草木涼
征塵生杖屨香霧濕衣裳
古嶺攀栖鵲荒蹊蹴聚蝗
白雲看未遠已轉九回腸

曲江歸舟

只道蓬低礙覓詩眼前物色自多奇
千山赭去如秦樣一水清來似晉時
漁父豈無緣葦輩樵人恐有負苓師
僮奴忽報梅花動春在江頭最北枝

村居

古來村裏起功名當日南陽亦是耕
幾筆遠山仁者靜

半橋流水聖之清晚風蟬響勝金奏夜露螢光即火城
人得一間高一著不須史論更詩評

感興

竹帛功名九折車栖遲巖野竟何如浣花溪上尋佳句
積穀山頭讀異書江左風流空醞藉淮南煙景尚凋疎
太平十二河汾策幾欲排雲謁帝居

蛟峰先塋

獐蛟蟠伏鬣封孤雲黯幽亭日向晡雙柱千年翔化鶴

四山半夜泣於菟
老天忍挫真英物
厚地甘埋大丈夫
無計發潛空涕落
雨松霜柏照煙蕪

賦江郊漁弋

占斷江山是一家
寄情漁弋當生涯
青楓翠竹春屏葉
白藕紅菱曉鏡花
鴻鵠鵬鵬鷃鷃
鰕鱖鯉鰻鱖鱖
河陽書到君當起
弩發千鈞釣五車

豫章

郡名猶是漢流傳
宇宙江山復幾年
畫閣倚空家十萬



紅粧鬪夜妓三千層城歌舞秋風外故國興亡夕照邊
近歲潯陽成重鎮鎮南烏幕鎖蒼煙

顓上思親

庭下青萱意自舒起居近日復何如熏香莫遣衣篝潤
餌藥從知酒琰疎教婦丁寧惟禮法要孫久遠是詩書
手中線在常珍重空寫平安託鯉魚

章貢祥符吳道士嬾窩

早年收得自由身坐斷窩中嬾是真日短日長惟守靜

雲來雲去不生嗔
破除機械鷗盟熟
脫畧錙銖鶴料貧
舊看黃庭猶忘却
應無心力對閒人

江湖偉觀

世間無盡是天游
更出湖山最上頭
江面春聲潮卷雪
湖心寒影月澄秋
海門舟楫雲開見
瀛嶼亭臺水載浮
不比錢塘歌舞處
遠懷西北有神州

送徐推院奉戶檄之九江諸郡

中邊瑩徹似冰壺
空盡時情意氣殊
已向銅龍梯要路

又隨玉駃駕征涂風生湓浦江流急雲滿康廬夜月孤
竭到東南無力了一分寬處是規模

蘭

野客過門叫賣蘭清風便自逼人寒孤根未必靈均種
推作離騷行輩看

聞雞

不因風雨不分明羞殺譙樓打亂更世上公侯多改節
無人肯聽卅前鳴

晉武帝

秋風銅爵曲池平
吳主宮娃滿掖庭
憑仗皇孫聰慧早
不知禍在夕陽亭

左太冲

辛勤十稔賦三都
聞者曾甌酒爰書
他日洛中添紙價
陸家兄弟竟何如

朱彦和

文如玉海動時流
曾以書棊伏隱侯
武德閣前消幾語

却令梁氏缺金甌

任蠻奴

千里旌旗已渡江
蠻奴苦諫喚蕭郎
却持官裏黃金去
望拜韓擒石子岡

敬微

受用廬山水石奇
亭亭霞外薜蘿衣
侍中那抵蘇門障
笑死丹青陸探微

鄧郁

雲母餽糧五嶽樓繡娃少嫗導仙遊不應輕信雙青鳥
便遣東都事業休

石崇

梓澤神仙第一居爭豪不惜碎珊瑚
荆州使客知何罪未必亡身為綠珠

張茂先

辨精龍肉亦奇才雄匣干將耿不回
只守鷦冥蚊睫賦天星未必折中台

王舍甫

玉塵消搖吐妙言清流都拍作龍門白頭苟活尊前坐
夜半排牆未是冤

張曲江祠

延英幾度獻忠言白羽他時賦感恩自是三郎真贗錯
却將天寶換開元

貪泉

千古遺蹤散曉煙空餘二字寺門前世間貪者滔滔是

何必俱曾飲此泉

送衡山琴畫張道士二首

滿天風月澹消騷三尺孤桐古調高不敢問君聽別操
請彈二十五離騷

滿空煙雨澹模糊三尺霜漁老墨枯不敢問君求別景
請描七十二峯圖

桂樹

剪剪霜風起晚吹一溪流水浸寒暉客衫猶恨吳綿薄

不道邊人盡鐵衣

利州進馬

靈關玉壘自崔嵬誰向西邊起禍胎
萬里望堯通一祝天基御馬利州來

過綠野

世上今無隱退風地名偶與午橋同
往來怕看銅駝陌間倚柴門憶晉公

西湖

高價租船作勝游窮逋敢鬪風流西湖多少閒春水
不洗中原二百州

望和靖墓

孤山擎出水中央留下梅花代代香滿酌湖波遙一酌
問咸平事已荒涼

九里松

松是山靈一手栽堯天常就棟梁材龍髯怒起春風急
似怪遊人喝道來

喚渡旋幙

半載蓬萊地相攜只是詩心懷丹鳳去夢與白鷗隨俯
仰俱無愧勤勞必有知歸舟平似掌天亦念孤危

寄里中社友

欠作故人書侵尋半載餘窮吟雖自客入夢不相疎梅
蕊通春信霜風促歲除待余歸故里鷗約復如初

題劉功父與耕堂

默耕原不外靈臺何用錢添百屋堆甘雨每從和氣出

祥風常自善心來
畛畦有害皆除去
境界須寬更放開
種德欲如多黍稌
本仁先且護根芽
太平國裏青精飯
永熟鄉中玉液杯
會得遺安龐老意
力行好事厚栽培

兩宋名賢小集卷三百三十六